

են նրանք՝ իբրև որոշ տուրք: Որպէս զի դրանց մասին մի գաղափար տամ Քեզ՝ այստեղ առաջ եմ բերում մի նմուշ գիւղի քէզխուգա՝ պ. Զաքարիայի տւած տեղեկութիւնից.

1917—8 տարւայ ընթացքում գիւղացիները վճարել են առբաբներին՝

216 հատ հաւ.	3000 հաւկիթ.
200 էշ.	840 բևռ յարդ.
100 հողի էլ գործող մարդիկ են աւել:	

Ահա Զեզ հարկեր, ապօրինի, անկանոն հարկեր, որոնց շնորհիւ գիւղացիութիւնը դիմում է դէպի քայքայում, դէպի ծայրայեղ թշւառութիւն: Այս տխուր հանգամանքի վրայ աւելացնենք և այն երևույթը, որ այստեղ հայերը շրջապատւած լինելով վայրենի լուսերով՝ վարում են ճնշած կեանք:

Այստեղ հողը մեծ մասամբ ջրովի է. հերկում են արօրով և ցանում նոյն հացահատիկներն և հացաբոյսերը: Օգտւում են Զայենդերուդից, որն օձապտոյտ անցնում է գիւղի արևմտեան կողմից:

Քիւղն ունի մի եկեղեցի Ս: Մինաս անունով և մի ջրաղաց: Գպրոց չունի: Ժողովուրդը կրթութեան կարիք ունի:

№	Կ Ա Ր Գ Ե Ր	Շունչ
1	Աղբատ . . . . .	100
2	Չունետր . . . . .	20
3	Միջակ . . . . .	100
4	Ունետր . . . . .	52
5	Հարուտ . . . . .	—
	Ընդամենը	272

### Ա Ր Թ ՈՒ Ն Ա Բ Ա Գ

Բարգաշայից դէպի արևմուտք, քառորդ Փարսախ հեռաւորութեան վրայ կանգնած է զուտ հայաբնակ Արթուռաբազ գիւղը. սա սարի լանջին ընկած մի փոքրիկ գիւղ է, որն իր առաջ ձգւած ուռենիների և բարդիների ծառաս-